



Republika e Kosovës
Republika Kosova - Republic of Kosova

AGJENCIA KUNDËR KORRUPSIONIT
AGENCIJA PROTIV KORRUPCIJE
ANTI - CORRUPTION AGENCY

DATË/A:	24.12.2015
REFERENC-Ë:	AKK-DPK-03-02/4697/15
PËR/ZA/TO:	z. Fadil Muzaqi , Drejtor i Drejtorisë Komunale të Prokurimit në Komunën e Vushtrrisë
CC:	
PËRMES/PREKO/THROUGH:	
NGA/OD/FROM:	Hasan Preteni, Drejtor i Agjencisë kundër Korrupsionit
TEMA/SUBJEKAT/SUBJECT:	Opinion lidhur me ofrimin e këshillimit profesional për parandalimin e konfliktit të interesit në ushtrimin e funksionit publik



I nderuari z. Muzaqi,

Në mbështetje të nenit 5 (paragrafi 1 pika 1.12) të Ligjit nr. 03/L-159 për Agjencinë kundër Korrupsionit dhe nenit 19 (paragrafi 1 pika 1.6) të Ligjit nr. 04/L-051 për Parandalimin e Konfliktit të Interesit në Ushtrimin e Funksionit Publik, lidhur me kërkesën tuaj, për shqyrtimin e gjendjes së mundshme të konfliktit të interesit, në rastin kur Anëtari i Kuvendit Komunal në Komunën e Vushtrrisë, si pronar i biznesit privat ka fituar kontratë në Komunën e Vushtrrisë. Në pajtim me mandatin që kemi dhe duke u bazuar në Ligjet bazë të Agjencisë, Agjencia kundër Korrupsionit ofron këtë:

O P I N I O N

Ekziston konflikt i interesit në rastin e Anëtarit të Kuvendit Komunal në Komunën e Vushtrrisë, i cili si pronar i biznesit privat ka fituar kontratë në Komunën e Vushtrrisë, të titulluar Furnizim me artikuj ushqimorë për Autoritetin Kontraktues të Komunës së Vushtrrisë.

ARSYETIM

Agjencia kundër Korrupsionit është institucion i pavarur të cilit me Ligj i janë besuar përgjegjësi të veçanta. Sipas nenit 5 (paragrafi 1, nën paragrafi 1.5) të Ligjit nr. 03/L-159 për Agjencinë kundër Korrupsionit, Agjencia është autoritet qendror i cili ndër të tjera bën edhe mbikëqyrjen dhe parandalimin e rasteve që kanë të bëjnë me konfliktin e interesit si dhe ndërmerr masat e parapara ligjore.

Ligji për Parandalimin e Konfliktit të Interesit Nr.04/L-051, ka parapa kufizime, dhe ndalesa për zyrtarët e lartë, në situatë kur mund të ketë ose mund të shfaqet konflikti i interesit.

Po ashtu në bazë të Ligjit për Parandalimin e Konfliktit të Interesit, Nr.04/L-051, në nenin 4 të këtij Ligji, janë të përcaktuar kategoria e zyrtarëve të lartë publik, dhe Anëtarët e Kuvendit Komunal janë zyrtar të lartë publik dhe i nënshtrohen zbatimit të dispozitave të këtij Ligji.

Lidhur me pyetjen tuaj për situatë të konfliktit të interesit në rastin kur Anëtari i Kuvendit Komunal në Komunën e Vushtrrisë si pronar i biznesit individual ka fituar kontratë në Komunën e Vushtrrisë, ju njoftojmë se rasti i tillë paraqet konflikti interesi.

Rrjedhimisht, Ligji për Parandalimin e Konfliktit të Interesit në nenin 15 (paragrafi 5), rastin e tillë e ka përcaktuar si mos pajtueshmërinë me ushtrimin e funksionit publik në të cilin shprehimisht thuhet:

“Ndërmarrja në të cilën zyrtari i lartë ka pronësi apo pjesë të pronësisë, e drejtuar nga personi i besuar, nuk ka të drejtë të lidhi kontratë ose të përfitoj ndihmë nga institucionet qendrore ose lokale, në të cilat zyrtari i lartë është në pozitë vendimmarrëse”.

Andaj, duke u bazuar në këtë dispozitë nënshkrimi i kësaj kontrate me zyrtarin e lartë paraqet konflikt interesi.

Ndërsa, nenin 14 i Ligjit për Parandalimin e Konfliktit të interesit ka përcaktuar transferimin e të drejtave në drejtimin e Ndërmarrjes, në paragrafin 4 të këtij neni shprehimisht thuhet:

“Nëse personi i besuar krijon marrëdhënie afariste me institucionet e qeverisjes qendrore, lokale, ndërmarrjet publike apo me ndërmarrjet private ku kapitali i pronës publike ka më shumë



se pesë (5)% të kapitalit apo aksioneve, është i detyruar që të njoftoj zyrtarin e lartë lidhur me marrëdhëniet e tilla afariste”.

Ndërsa, neni 7 i Ligjit për PKI ka përcaktuar parimet e veprimit dhe mosveprimit të zyrtarit të lartë, ndërsa në paragrafin (1, 5, 6, 8), ndër të tjera thuhet:

“Zyrtari i lartë nuk duhet të lejoj që interesat e tij private të bien në konflikt me funksionin e tij. Ai duhet të shmang konfliktin e interesit pavarësisht nëse ai është real, apo i mundshëm”.

“Zyrtari i lartë nuk ka të drejt të shfrytëzojë funksionin publik për përfitim të kundërligjshëm për vete apo për të tjerët”.

“Zyrtari i lartë gjatë ushtrimit të funksionit publik nuk ka të drejt të krijojë marrëdhënie varësie nga persona tjerë që do të mund të ndikonin në paanshmërinë dhe shprehjen e vullnetit të lirë në vendimmarrje”.

“Zyrtari i lartë gjatë ushtrimit të funksionit publik duhet të veproj në mbrojtje të interesit publik dhe nuk ka të drejt që interesin e tij privat ta vërë para interesit publik, për mbrojtjen e të cilit është zgjedhur apo emëruar”.

Po ashtu, neni 9 i Ligjit për PKI ka përcaktuar parimet e veprimit dhe mosveprimit të zyrtarit të lartë, në paragrafin (4,6,7,8,9), të këtij neni ndër të tjera thuhet se zyrtarit të lartë publik u ndalohen këto veprime:

“Të ndikojë në vendimin e ndonjë zyrtari apo organi për arsye të përfitimit material personal apo personit në lidhje me të”.

“Të ndikojë në marrëdhënie të punëve apo furnizimeve publike për përfitime personale”.

“Të shfrytëzojë informatat e besueshme që i ka në dispozicion apo të marra në mirëbesim në ushtrimin e funksionit për përfitime personale apo për përfitime të personave të afërt apo te besueshëm”.

“Të ndërmarr veprime të cilat në ndonjë mënyrë do t'i përshtaten interesit personal të tij apo interesit të personave të afërt apo te besueshëm”.

Duke u bazuar në këtë se çka u tha më lartë, kërkojmë nga ju që ti ndërmerrni të gjitha veprimet e nevojshme, konform këtij opinion, për të parandaluar gjendjen e konfliktit të interesit sipas dispozitave ligjore në fuqi.

Me respekt!

